

Schlossgeistverurteilung

Narri – Narro ihr Liebe Leit,
jetzt isch es bald soweit.
Des hohe Narrag´richt ischt schn onderwegs,
begleitet vom Fanfarenzug wie emmer stets.
Au onser Goischt der ischt dabei
Den land se nämlich nemme frei.
Gugged na jetzt snd se do,
ond begrüßä dam mers mit Narri-Narro.

Ihr liebe Leit von Nah ond Fern,
begrüßä will i heit obed eich gern.
Denn heit obed ischt´s so weit,
verurteila dam mer dui Goischtlichkeit.
Abgloffä ischt sei Galgafrist nun,
ond mir haltt G´richt über sei tun.
A Aklageschrift ham mer verfaßt.
I les se jetzt vor, au wenn´s em net paßt.

Schlossgeistverteidigung

Da Schloßgoischt zu verteidig ascht mir a Ehr,
au wenn dui A´klag lauttt no so schwer.
Ihr hohe Herra aber wand es waga,
gand eiserm Goischt heit an da Kraga.
Ga viele Schandtata hand dr g´nannt,
ond g´frodert, daß er wird vrbrannt.
Dia wo an andra aber wand verschrägga,
hand meistens säber Dreck am Stagga.
Ui feine Herra kenn i scho au,
ui dieft ma grad so wenig laufa lau.

In allem hand dr d´Fenger denna,
ond dand ui öfters s´Maul verbrenna.
Ihr hohe Richter, so g´scheit ond Eit´l,
alle kaired dr k´henkt ihr Lugabeit´l.
Von Aastand hand ihr jo noit viel k´hait,
denn eiser goischt k´hörd au zur Obrigkeit.
Des Urteil hand ihr bestimmt scho g´lengt,
ma hot scho früher bloß de kloine k´henkt.
Zom Schluß will i eich bloß no ermahna,
wennér dr Goischt dand zom Tod verklaga.
Ischt´s vorbei mit eiserer Fasnet des Johr,
ond hoffentlich mached dr des it wahr.
Jetzt liegt´s an eich, dem hoha Narrag´richt.
Überleget guat, bevor oiner s´Urteil spricht.
NARRI – NARRO

Urteilsspruch

Des Narrag´richt ischt zom a Urteil komma,
am goischt wird heit obed s´Leba g´nomma.
Er hot en dem Johr gar wieder schlemmes trieba,
ond deshlab ischt ons gr nix andres übrig blieba.
Drom lautet des Urteil, i will´s eich jetzt nenna
Tod durch verbrenna.

Vollstreckung des Urteils

Oh Goischt jetzt got´s dr ans Leba.
Ihr Rät dand eure Fakla erheba.
Schreitet los ond vollstreckt des Urteil schnell,
damit mer alle sehet wie des Feier brennt hell.